





松陵集卷第九

今體五七言詩八十六首

過張祐處士丹陽故居

并序



萱與故張處士祐世家通舊尚憶孩稚之歲與伯  
氏嘗承處士撫抱之仁目管輅為神童期孔融於  
偉器光陰徂謝二紀于茲適經其故居已易他主  
訪遺孤之所止則距故居之右二十餘步荆榛之  
下葦門啟焉處士有四男一女男曰椿兒桂子椅

兒杞兒問之三已物故唯杞爲遺孕與其女尚存  
欲揖杞與言則又求食於汝墳矣但有霜鬢而黃  
冠者杖策迎門乃昔時愛姬崔氏也與之話舊歷  
然可聽嗟乎葛帔練裙兼非所有琴書圖籍盡屬  
他人又云橫塘之西有故田數百畝力旣貧窶十  
年不耕唯歲賦萬錢求免無所嗚呼昔爲穆生置  
醴鄭公立鄉者復何人哉因吟五十六字以聞好  
事者

憶昔爲兒逐我兄曾拋竹馬拜先生書齋已換當  
時主詩壁空題故友名豈是爭權畱怨敵可憐當  
路盡公卿柴扉草屋無人問猶向荒田責地征

和張處士詩

并序

龜蒙

張祐字承吉元和中作宮體小詩辭曲艷發當時  
輕薄之流能其才合譟得譽及老大稍窺建安風  
格誦樂府錄知作者本意短章大篇徃徃間出諫  
諷怨譎時與六義相左右善題目佳境言不可刊

置別處。此爲才子之最也。繇是賢俊之士及高位  
重名者多與之游。謂有鵠鷺之野。孔翠之鮮。竹柏  
之貞。琴磬之韻。或薦之於天子。書奏不下。亦受辟  
諸侯府。性狷介。不容物。輒自劾去。以曲阿地。古澹  
有南朝之遺風。遂築室種樹而家焉。性嗜水石。常  
悉力致之。從知南海間。罷職載羅浮石筍還。不蓄  
善田利產。爲身後計。死未二十年。而故姬遺孕。凍  
餒不暇。前所謂鵠鷺孔雀竹柏琴磬之家。雖朱輪

尚蔡遺編尚吟。未嘗一省其孤。而恤其窮也。噫。人  
假之爲翫好。不根於道義耶。懼其怨刺於神明耶。  
天果不愛才。沒而猶譴耶。吾一不知之。友人顏弘  
至行江南道中。訪其廬。作詩弔而序之。屬予應和。  
予汨沒者不足哀。承吉之道。邀襲美同作。庶乎承  
吉之孤。倚其傳而有憐者。

勝華通子共悲辛。荒徑今爲舊宅鄰。一代交遊非  
不貴。五湖風月合教貧。魂應絕地爲才鬼。名與遺

編在史臣聞道平生偏愛石至今猶泣洞庭人

魯望憫承吉之孤為詩序邀予屬和欲用予

道振其孤而利之噫承吉之困身後乎魯

望視予困與承吉生前孰若哉未有已困

而能振人者然抑為之辭用塞良友之意

日休

先生清骨莽烟霞業破孤存孰為嗟幾篋詩編分

貴位一林石笋散豪家兒過舊宅啼楓影姬繞荒

田泣稗花唯我共君堪便戒莫將文譽作生涯

旅泊吳門一二同志

張賁

一舸吳江晚堪憂病廣文鱸魚誰與伴鷗鳥自成

羣反照縱橫水斜空斷續雲異鄉無限思盡付酒

醺醺

奉詔次韻

龜蒙

高秋能叩觸天籟忽成文苦調雖潛倚靈音自絕

羣茅峰曾醮斗笠澤久眠雲許伴山中躅三年任

一醺

賁中間有吳門旅泊之什多垂見和更作一

章以伸酬謝

龜蒙

偶發陶匏響皆蒙組繡文  
清秋將落帽子夏正離  
羣有恨書燕雁無聊賦  
郢雲徧看心自醉不是酒  
能醺

更次韻奉酬

龜蒙

獨倚秋光岸風漪學簞文  
玄堪教鳳集書好換鶯

羣葉墮平臺月香消古徑雲  
強歌非白紵聊以送  
餘醺

魯望示廣文先生吳門二章情格高散可醒

俗態因追想山中風度次韻屬和存于詩

編魯望之命也

日休

我見先生道休息鄭廣文  
崔翻希作伴鷗却覓爲  
羣逸好冠清月高宜著  
白雲朝庭未無事爭任醉  
醺醺

能諳肉芝槁解講隱書文終古神仙窟窟年麋鹿  
羣行廚煮白石臥具拂青雲應在雷平上支頤復  
半醺

寄潤卿博士

日休

高眠可爲要玄纁鵲尾金爐一世焚

陶貞白有金鵲尾香爐

塵外鄉人爲許掾山中地主是茅君將收芝菌唯  
防雪欲曬圖書不奈雲若便華陽終臥去漢家封  
禪用誰文

訓襲美先輩見寄來韻

張賁

尋疑天意喪斯文故選茅峰寄白雲酒後只畱滄  
海客香前唯見紫陽君近年已絕詩書癖今日兼  
將筆硯焚爲有此身猶苦患不知何者是玄纁

奉和襲美寄廣文先生

龜蒙

忽辭明主事真君直取姜巴路入雲龍篆拜時輕  
誥命霓襟披後小玄纁峰前北帝三元會石上東  
卿九錫文應笑世間名利火等閒靈府剩先焚

軍事院霜菊盛開因事一絕寄上諫議

日休

金華千點曉霜凝獨對壺觴又不能已過重陽三十日至今猶自待王弘

奉詔霜菊見贈之什

崔璞

菊花開晚過秋風聞道芳香正滿叢爭奈病夫難強飲應須速自召車公

奉和諫議詔先輩霜菊

龜蒙

紫莖方艷照西風祇怕霜華掠斷叢雖伴應劉還強醉路人終要識山公

幽居有白菊一叢因而成詠呈一二知己

龜蒙

還是延年一種材

菊之別名

卽將瑤朶冒霜開不知紅

艷臨歌扇欲伴黃英入酒盃陶令接羅堪岸著梁

王高屋好欵來

梁朝有白紗高屋帽

月中若有閒田地爲勸

嫦娥作意栽



奉和

張賁

雪彩冰姿號女華  
寄身多是地仙家  
有時南國和霜立  
幾處東籬伴月斜  
謝客瓊枝空貯恨  
袁郎金鈿不成夸  
自令終古清香在  
更出梅妝弄晚霞

奉和

日休

已過重陽半月天  
琅華千點照寒烟  
藥香亦似浮面靨  
花樣還如鏤玉錢  
翫影馮妃堪比艷  
鍊形蕭史好爭妍  
無繇摘向牙箱裏  
飛上方諸贈列仙

奉和

鄭璧

白艷輕明帶露痕  
始知佳色重難羣  
終朝凝笑梁王雪  
盡日慵飛蜀帝雲  
燕雨似翻瑤渚浪  
鴈風疑卷玉綃紋  
瓊妃若會寬裁翦  
堪作蟾宮夜舞裙

奉和

司馬都

恥共金英一例開  
素芳須待早霜催  
遶籬看見成瑤圃  
泛酒初迷傍玉盃  
映水好將蘋作伴  
犯寒疑與雪爲媒  
夫君每尚風流事  
應爲徐妃致此裁

華亭鶴聞之舊矣及來吳中以錢半千得一  
隻養之殆經歲不幸爲飲啄所誤經夕而  
卒悼之不已遂繼以詩南陽潤卿博士浙  
東德師侍御毘陵魏不琢處士東吳陸魯  
望秀才及厚於予者悉寄之請垂見和

日休

池上低摧病不行誰教仙魄反層城陰苔尚有前  
朝跡皎月新無昨夜聲菰米正殘三日料筠籠休

礙九霄程不知此恨何時盡遇著雲泉卽愴情  
莫怪朝來淚滿衣墮毛猶傍水花飛遼東舊事今  
千古却向人間葬令威

奉和襲美先輩悼崔二首

李穀

才子襟期本上清陸雲家崔伴閒情猶憐反顧五  
六里何意忽歸十二城露滴誰聞高葉墜月沉休  
藉半堦明人間華表堪畱語剩向秋風寄一聲  
道林曾放雪翎飛應悔庭除閉羽衣料得王恭披

崔嵬倚吟猶待月中歸

奉和

張賁

池塘蕭索掩空籠  
玉樹同嗟一土中  
莎徑罷鳴唯泣露  
松軒休舞但悲風  
丹臺舊嶁難重緝  
紫府新書豈更通  
雲滅霧消無處問  
只畱華髮與衰翁  
渥頂鮮毛品格馴  
莎庭閒暇重離羣  
無端日暮東風起  
飄散春空一片雲

奉和

龜蒙

一夜圓吭絕不鳴  
八公虛道得千齡  
方添上客雲眠息  
忽伴中仙劍解形  
但掩叢毛穿古堞  
永畱寒影在空屏  
君才幸自清如水  
更向芝田爲刻銘  
艷都香稻字重思  
遙想飛魂去未饑  
爭奈野鴉無數  
健黃昏來占舊棲枝

奉和

魏朴

直欲裁詩問杳冥  
豈教靈化亦浮生  
風林月動疑畱魄  
沙島烟愁似蘊情  
雪骨夜封蒼蘚冷  
練衣寒

在碧塘輕人間飛去猶堪恨况是泉臺遠玉京  
經秋宋玉已悲傷况報胎禽昨夜亡霜曉起來無  
問處伴僧彈指繞荷塘

傷開元觀顧道士

日休

協晨宮上啟金扉詔使先生坐蛻歸  
雀有一聲應是哭丹無餘粒恐潛飛  
烟淒玉笥封雲篆月慘琪花葬羽衣  
腸斷雷平舊遊處五芝無影草微微

奉和

張賁

鳳麟膠盡夜如何共歎先生劍解多  
幾度弔來唯白雀此時乘去必青騾  
圖中含景隨殘照琴裏流泉寄逝波  
悵望真靈又空返玉書誰授紫微歌

奉和

龜蒙

何事神超入杳冥不騎孤雀上三清  
多應白簡迎將去卽是朱陵鍊更生  
藥莫肯同椒醕味雲謠空替薤歌聲  
武皇徒有飄飄息誰問山中宰相名

奉和

鄭璧

斜漢銀瀾一夜東飄飄何處五雲中空畱華表千  
年約纔畢丹爐九轉功形蛻遠山孤壙月影寒深  
院曉松風門人不覩飛升去猶與浮生哭恨同

醉中卽席贈潤卿博士

日休

適越遊吳一散仙銀餅玉柄兩翛然茅山頂上携  
書篋笠澤心中漾酒船桐木布溫吟倦後桃花飯  
熟醉醒前謝安四十餘方起猶自高閒得數年

奉和次韻

張賁

桂枝新下月中仙學海詞鋒譽藹然文陣已推忠  
信甲窮波猶認孝廉船清標稱住羊車上俗韻慙  
居霍肇前共許逢蒙快弓箭再穿楊葉在明年

奉和次韻

龜蒙

共是虛皇簡上仙清詞如羽欲飄然登山凡著幾  
量屐破浪欲乘千里船遠夢只畱丹井畔閒吟多  
在酒旗前誰知海上無名者只記漁歌不記年

偶畱羊振文先輩及一二文友小飲日休以

眼病初平不敢飲酒遣侍密歡因成四韻  
謝莊初起怯花晴強侍紅筵不避觥久斷杯盃華  
蓋喜忽聞歌吹谷神驚襍褻正重新開柳咕囁難  
通乍囁鴛猶有僧虔多蜜炬不辭相伴到天明

奉和襲美見畱小讌次韻

羊昭業

澤國春來少遇晴有花開日且飛觥王戎似電休  
推病周顛纔醒衆却驚芳景漸濃偏屬酒暖風初  
暢欲調鸞知君不肯燃官燭爭得華筵徹夜明

襲美畱振文小宴龜蒙抱病不赴猥示倡和

因次韻仰酬

綺席風開照露晴祗將茶薜代雲觥繁絃似玉紛  
紛碎佳妓如鴻一一驚毫健幾多飛藻客羽寒寥  
落映花鸞幽人獨自西窗晚閒凭香檉反照明

醉中襲美先起因成戲贈

李穀

休文雖卽逃瓊液阿鶩還須掩玉閨月落金鷄一  
聲後不知誰悔醉如泥

走筆奉詔次韻

日休

麝烟冉冉生銀兔  
蠟淚漣漣滴繡闈  
舞袖莫欺先醉去  
醒來還解驗金泥

奉和次韻

張賁

何事桃源路忽迷  
唯畱雲雨怨空閨  
仙郎共許多情調  
莫遣重歌濁水泥

奉和次韻

龜蒙

莫唱艷歌凝翠黛  
已通仙籍在金閨  
他時若寄相

息淚紅粉痕應伴紫泥

奉送浙東德師侍御罷府西歸

張賁

孤雲獨鳥本無依  
江海重逢故舊稀  
楊柳漸疎蘆葦白  
可堪斜日送君歸

同前

龜蒙

王謝遺踪玉籍仙  
三年閒上鄂君船  
詩懷白閣僧吟苦  
俸買青田鶴價偏  
行次野楓臨遠水  
醉中衰菊臥涼烟  
芙蓉散盡西歸去  
唯有山陰九萬錢

同前

日休

建安才子太微仙  
暫上金臺許二年  
形影欲歸溫室樹  
夢魂猶傍越溪蓮  
空將海月為京信  
尚使樵風送酒船  
從此受恩知有處  
免為傖鬼恨吳天

浙東罷府西歸道  
經吳中廣文張博士  
皮先

輩陸秀才皆以雅篇相送  
不量荒詞亦用

訓別

李穀

豈有頭風筆下痊  
浪成蠻語向初筵  
蘭亭舊址雖

曾見柯笛遺音更不傳  
照曜文星吳分野  
畱連花月晉名賢  
相逢只恨相知晚  
一曲驪歌又幾年

送羊振文先輩往桂陽歸觀

龜蒙

風雅先生去一麾  
過庭才子趣歸期

時使君丈人自毛詩博士

出牧讓王門外開帆  
葉義帝城中望戟  
枝郢路漸寒飄雪  
遠湘波初暖漲雲  
遲靈均精魄如能  
問又得

千年賈傅詞

同前

日休



桂陽新命下彤墀彩服行當欲雪時登第已聞傳

襴賦問安猶聽講韓詩竹人臨水迎符節曹昆湘中賦云

箕箒風母穿雲避信旗桂陽山中有風母獸擊殺見風輒活無限湘

中悼騷恨憑君此去謝江蘿

同前

顏萱

高挂吳帆喜動容問安歸去指湘峰懸魚庭內芝

蘭秀馭雀門前薜荔封蘇耽舊宅在柳州紅旆正憐棠影

茂綵衣偏帶桂香濃臨岐獨有霑襟戀南巷當年

共化龍先輩與拾遺叔父同年也

同前

司馬都

此去懽榮冠士林離筵休限酒杯深雲梯萬仞初

高步月桂餘香尚滿襟鳴掉曉衝蒼靄發落帆寒

動白華吟君家祖德惟清苦却笑當時問絹心

褚家林亭

日休

廣亭遙對舊娃宮竹島蘿溪委曲通茂苑樓臺低

檻外太湖魚鳥徹池中蕭疎桂影移茶具狼籍蘋

花上釣筒爭得共君來此住便披雀氅對清風

奉和

張賁

疎野林亭震澤西  
朗吟閒步喜相携  
時時風拆蘆花亂  
處處霜摧稻穗低  
百本敗荷魚不動  
一枝寒菊蝶空迷  
今朝偶得高陽伴  
從放山公醉似泥

奉和

龜蒙

一陣西風起浪花  
遶欄干下散瑤華  
高窗曲檻仙侯府  
臥葦荒芹白鳥家  
孤島待寒凝片月  
遠山終

日送餘霞若知方外還如此不要乘秋上海槎

送圓載上人歸日本國

日休

講殿談餘著賜衣  
椰帆却返舊禪扉  
貝多紙上經文動  
如意瓶中佛爪飛  
颺母影邊持戒宿  
波神宮裏受齋  
歸家山到日將何  
入白象新秋十二圍

重送

日休

雲濤萬里最東頭  
射馬臺深玉署秋

射馬臺卽今王城也

無

限屬城爲躑國幾多分界是亶州

州在會稽海外傳是徐福之裔

取經海底開龍藏誦呪空中散蜃樓不奈此時貧  
且病乘桴直欲伴師遊

同前

龜蒙

老息東極舊巖扉却待秋風泛舶湄曉梵陽烏當  
石磬夜禪陰火照田衣見翻經論多盈篋親植杉  
松大幾圍遙想到時息魏闕祇應遙拜望斜暉

聞圓載上人挾儒家書洎釋典以行更作一

絕以送

龜蒙

九流三藏一時傾萬軸光凌渤澥聲從此遺編東  
去後却應荒外有諸生

同前

顏萱

師來一世恣經行却汎滄波問去程心靜已能防

渴鹿輦喧時爲駭長鯨

師云每遇鯨舟人必鳴鼓而恐之

禪林幾

結金桃重

日本有金桃實重一斤

梵室重修鐵瓦輕

以鉄爲瓦輕于

陶者料得還鄉無別利只應先見日華生

文讌招潤卿博士辭以道侶將至因書一絕

寄之

仙客何時下  
雀翎方瞳如水  
腦華清不過傳  
達楊君夢從許  
人間小兆聽

奉和

日休

瘦木樽前地  
肺圖為君偏輟  
俗功夫靈真散  
盡光來此莫戀  
安妃在後無

再招

龜蒙

遙知道侶譚  
玄次又是文交  
麗事時雖是寒  
輕雲

重日也畱花  
簞待徐摛

奉和

日休

飈御已應歸  
杳眇博山猶自  
對氛氲不知入  
夜能來否紅蠟  
先教刻五分

偶約道流終  
乖文會因成一  
絕用荅四篇

張賁

仙侶無何訪  
蔡經兩煩韶濩  
出彤庭人間若  
有登樓望應怪  
文星近客星

以青飶飯分送襲美魯望因成一絕

張賁

誰屑瓊瑤事青飶舊傳名品出華陽應宜仙子胡  
麻伴因送劉郎與阮郎

潤卿遺青飶飯兼之一絕聊用荅謝

日休

傳得三元飶飯名大宛聞說有仙卿  
案西梁予文撰黃錦素書  
十通其二傳大宛北  
谷子自號青精先生  
分泉過屋春青稻  
此飯以青龍稻為之

拂霧影衣折紫莖  
南稻莖微紫色  
蒸處不教雙雀見服來

唯怕五雲生艸堂空坐無饑色時把金津漱一聲

同前

龜蒙

舊聞香積金仙食今見青精玉斧餐自笑鏡中無  
骨錄可能飛上紫霞端

酒病偶作

日休

鬱林步障晝遮明一炷濃香養病醒何事晚來還  
欲飲隔墻鬪賣蛤蜊聲

奉和次韻

龜蒙

柳疎桐下晚窗明  
祗有微風爲枕醒  
唯欠白綃籠

解散

解散主儉髻名  
時人皆慕之也

洛生閒詠兩三聲

奉和次韻

張賁

白編椰席鏤冰明  
應助楊青解宿醒  
難繼二賢金

玉倡可憐空作斷猿聲

潤卿魯望寒夜見訪各惜其志遂成一絕

日休

世外爲交不是親  
醉吟俱岸白綸巾  
風清月白更

三點未放華陽鶴上人

奉和次韻

張賁

雲孤雀獨且相親  
倣效從他折角巾  
不用吳江歎

畱滯風姿俱是玉清人

奉和次韻

龜蒙

醉韻飄飄不可親  
掉頭吟側華陽巾  
如能跂脚東

窗下便是羲皇世上人

翫金鷄鵝戲贈襲美

龜蒙

曾向溪邊泊暮雲至今猶憶浪花羣不知鏤羽凝  
香霧堪與鴛鴦覺後聞

奉和

日休

鏤羽雕毛迥出羣溫磨飄出麝臍薰夜來曾吐紅  
茵畔猶似溪邊睡不聞

奉和

張賁

翠羽紅襟鏤彩雲雙飛常笑白鷗羣誰憐化作雕

金質從倩沈檀十里聞

友人許惠酒以詩徵之

日休

野客蕭然訪我家霜殘白菊兩三花子山病起無  
餘事只望蒲臺酒一車

庾信集云蒲州刺史中山公許酒一車未送

奉和

鄭壁

乘輿閒來小謝家便裁詩句乞榴花邴原雖不無  
端醉也要臨風從鹿車

奉和

龜蒙

凍醪初漉嫩如春輕蟻漂漂雜葢塵得伴方平同  
一醉明朝應作蔡經身

寒夜文讌潤卿有期不至

日休

艸堂虛灑待高真不意清齋避世塵料得焚香無  
別事存心應降月夫人

奉和

龜蒙

細雨輕觴玉漏終上清詞句落吟中松齋一夜懷  
貞白霜外空聞五粒風

奉和

鄭壁

已知羽駕朝金闕不用燒蘭望玉京應是易遷明  
月好玉皇畱看舞雙成

蒙恩除替將還京洛偶敘所懷因成六韻呈

軍事院諸公郡中一二秀才 崔璞

兩載求人瘼三春受代歸務繁多簿籍才短乏恩

威共理乖天獎分憂值歲飢遽蒙交郡印

到郡十  
二箇月

除替未  
及三年安敢整朝衣作牧慙爲政思鄉念式微儻



容還故里高臥掩柴扉

諫議以罷郡將歸以六韻賜示因佇訓獻

日休

欲下持衡詔先容解印歸  
露濃香後澤霜薄霽來  
威舊化堪治疾餘恩可療飢  
隔花攀去棹穿柳挽  
行衣佐理能無取酬知力甚微  
空將千感淚異日拜黃扉

謹和諫議罷郡敘懷六韻

龜蒙

已報東吳政初捐左契歸  
天應酬苦節人不犯寒  
威江上息重借朝端望載飢  
紫泥封夜詔金殿賜  
春衣對酒情何遠裁詩息極微  
待升鎔造日江海  
問漁扉

松陵集卷第九 終

松陵集卷第十

雜體詩八十六首

雜體詩序

皮日休

案舜典帝曰夔命汝典樂教胄子詩言志歌永言  
 在焉周禮太師之職掌教六詩諷賦既與風雅互  
 作雜體遂生焉後繫之於樂府蓋典樂之職也在  
 漢代李延年為協律造新聲雅道雖缺樂府乃盛  
 鏡歌鼓吹拂舞予俞因斯而興詞之體不得不因

時而易也古樂書論之甚詳今不能備載載其他  
見者案漢武集元封三年作栢梁臺詔群臣二千  
石有能爲七言詩者乃得上坐帝曰日月星辰和  
四時梁王曰驂駕駟馬從梁來絲是聯句興焉孔  
融詩曰漁父屈節水潛匿方作郡姓名字離合也  
絲是離合興焉晉傅咸有迴文反覆詩二首云反  
覆其文者以示憂心展轉也悠悠遠邁獨煒煒是  
也絲是反覆興焉晉溫嶠有迴文虛言詩云寧神

靜泊損有崇亾絲是迴文興焉梁武帝云後牖有  
朽桺沈約云偏眠船舷邊絲是疊韻興焉詩云蟬  
竦在東又曰鴛鴦在梁絲是雙聲興焉詩云維南  
有箕不可以簸揚維北有斗不可以挹酒漿近乎  
戲也古詩或爲之蓋風俗之言也古有採詩官命  
之曰風人圍碁燒敗襖看子故依然絲是風人之  
作興焉梁書云昭明善賦短韻吳均善壓強韻今  
亦効而爲之存于編中陸生與予各有是爲凡八

十六首至如四聲詩三字離合全篇雙聲疊韻之作悉陸生所爲又足見其多能也案齊竟陵王郡縣詩曰追芳承荔浦揖道信雲丘縣名絲是興焉案梁元藥名詩曰戍客恒山下當息衣錦歸藥名絲是興焉陸與予亦有是作至如鮑昭之建除沈炯之六甲十二屬梁簡文之卦名陸惠曉之百姓梁元帝之鳥名龜兆蔡黃門之口字古兩頭纖纖藁砧五雜組已降非不能也皆鄙而不爲噫絲古

至律絲律至雜詩之道盡乎此也近代作雜體唯劉賓客集中有迴文離合雙聲疊韻如聯句則莫若孟東野與韓文公之多他集罕見足知爲之之難也陸與予竊慕其爲人遂合已作爲雜體一卷囑予序雜體之始云

苦雨雜言寄魯望

皮日休

吳中十日涔涔雨歆蒸庫下豪家苦可憐臨頓陸先生獨自翛然守環堵兒饑僕病漏空厨無人肯

典破衣裾蠹羸時時上几案鼃黽往往跳琴書桃  
花米斗半百錢枯荒濕壞炊不然雨牀蓆席一素  
几仰臥高聲吟太玄知君志氣如鐵石甌冶雖神  
銷不得乃知苦雨不復侵枉費畢星無限力鹿門  
人作州從事周章似鼠唯知醉府金廩粟虛請來  
憶著先生便知愧愧多饋少真徒然相見唯知携  
酒錢豪華滿眼語不信不如直上天公牋天公牋  
方修次且榜鳴蓬來一醉

奉詔苦雨見寄

龜蒙

松篁交加午陰黑別是江南烟靄國頑雲猛雨更  
相欺聲似號號色如墨茅茨衰爛簷生衣夜夜化  
爲螢火飛螢飛漸多屋漸薄一注愁霖當面落愁  
霖愁霖爾何錯滅頂於余奚所作旣不能賦似陳  
思王又不能詩似謝康樂

曹有愁霖賦  
謝有愁霖詩

昔年嘗過

杜子美亦得高歌破印紙慣曾掀攪大筆多爲我  
才情也如此高揖愁霖詞未已披文忽自皮夫子

哀絃怨柱合爲吟  
恠我窮棲蓬藿裏  
初悲濕翼何絲起  
末欲箋天叩天耳  
其如玉女正投壺  
笑電霏霏作天喜  
我本曾無一稜去聲  
田平生嘯傲空漁船  
有時赤脚弄明月  
踏破五湖光底天  
去歲王師東下急  
輸兵粟盡民相泣  
伊予不戰不耕人  
敢怨烝黎無糝粒  
不然受性圓如規  
千姿萬態分毫釐  
唾壺虎子盡能執  
舐痔折枝無所辭  
有頭強方心強直  
撐拄頽風不量力  
自愛垂名野史中  
寧論抱困

荒城側唯君浩歎  
非庸人分衣輟飲  
來相親橫眠木榻  
忘華薦對食露葵  
輕八珍欲窮玄鳳  
未白欲懷仙鯨尚  
隔不如驅入醉鄉  
中只恐醉鄉田地  
窄

齊梁怨別

龜蒙

寥寥缺月看將落  
簷外霜華染羅幕  
不知蘭棹到何山  
應倚相思樹邊泊

奉和次韻

日休

芙蓉泣恨紅鉛落  
一朵別時烟似幕  
鴛鴦剛解惱

離心夜夜飛來棹邊泊

曉起卽事因成迴文寄襲美

龜蒙

平波落月吟閒景暗幌浮烟息起人清露曉垂花  
謝半遠風微動蕙抽新城荒上處樵童小石蘚分  
來宿鷺馴晴寺野尋同去好古碑苔字細書勻

奉和曉起迴文

日休

孤烟曉起初原曲碎樹微分半浪中湖後釣筒移  
夜雨竹傍眠几側晨風圖梅帶潤輕霑墨畫蘚經

蒸半失紅無事有杯持永日共君唯好隱墻東

夏日閒居作四聲詩寄襲美

龜蒙

平聲

荒池菰蒲深閒堦莓苔平江邊松篁多人家簾櫳  
清爲書凌遺編調絃夸新聲求懽雖殊途探幽聊  
怡情

平上聲

朝烟涵樓臺晚雨染島嶼漁童驚狂歌艇子喜野

語山容堪停杯柳影好隱暑年華如飛鴻斗酒幸  
且舉

平去聲

新開窓猶偏自種蕙未徧書籤風搖聞釣榭霧破  
見耕耘閒之資嘯詠性最便希夷全天真詎要問  
貴賤

平入聲

端居愁無涯一夕髮欲白因爲鸞章吟忽憶鶴骨

客手披丹臺文脚着赤玉舄如蒙清音訓若渴吸  
月液

奉詔夏日四聲四首

日休

平聲

塘平芙蓉低庭閒梧桐高清烟埋陽烏藍空含秋  
毫冠傾慵移簪杯乾將哺糟翛然非隨時夫君真  
吾曹

平上聲



溝渠通疎荷浦嶼隱淺篠舟閒攢輕蘋槩動起靜  
鳥陰稀餘乘閒縷盡晚鬪小吾徒當斯時此道可  
以了

平去聲

怡神時高吟快意乍四顧村深啼愁鵲浪霽醒睡  
鷺書疲行終朝罩困臥至暮吁嗟當今交暫貴便  
異路

平入聲

先生何違時一室習寂歷松聲將飄堂岳色欲壓  
席彈琴奔玄雲斲藥折白石如教題君詩若得札  
玉冊

苦雨中又作四聲詩寄魯望 日休

平聲

泔泔將經旬昏昏空迷天鷓鴣成群嬉芙蓉相隈  
眠漁通簑衣城帆過菱花田秋收吾無望悲之真  
徒然

平上聲

河平州橋危壘晚水鳥上衝崖搜松根點沼寫茨  
響舟輕通縈紆棧墮阻指掌携橈將尋君渚滿坐  
可往

平去聲

狂霖昏悲吟瘦桂對病臥簷虛能影斜舍蠹易漏  
破宵愁將琴攻晝悶用睡過堆書仍傾觴富貴未  
換箇

平入聲

羈棲愁霖中缺宅屋木惡荷傾還驚魚竹滴復觸  
鶴閒僧千聲琴宿客一笈藥悠然思夫君忽憶蠟  
屐着

奉詔苦雨四聲重寄三十二句 龜蒙

平聲

幽棲眠疎窓豪居憑高樓浮漚驚跳丸寒聲思重  
裘牀前垂文竿巢邊登輕舟雖無東臯田還生魚

平上聲

乎憂

層雲愁天低久雨倚檻冷絲禽藏荷香錦鯉繞島影心將時人乖道與隱者靜桐陰無深泉所以逞短綆

平去聲

烏蟾俱沉光晝夜恨暗度何當乘雲螭面見上帝愬臣言陰雲欺詔用利劍付迴車誅群姦自散萬

籟怒

平入聲

危簷仍空堦十日滴不歇青莎看成狂白菊卽欲沒吳王荒金樽越妾挾玉瑟當時雖愁霖亦若惜落月

疊韻雙聲二首

龜蒙

疊韻中山吟

瓊英輕明生石脉滴歷碧玄鉛仙偏憐白幘客亦

惜

雙聲溪上思

溪空唯容雲木密不隕雨迎漁隱映間妄問謳鴉  
擄

奉和疊韻雙聲二首

日休

疊韻山中吟

穿烟泉潺湲觸竹犢殼殼荒篁香墻匡熟鹿伏屋  
曲

雙聲溪上思

疎杉低通灘冷鷺立亂浪草彩欲夷猶雲容空澹  
蕩

疊韻吳宮詞二首

龜蒙

膚愉吳都姝眷戀便殿宴逡巡新春人轉面見戰  
箭

紅櫳通東風翠珥醉易墜平明兵盈城棄置遂至  
地

奉和疊韻吳宮詞二首

日休

逝  
侵深尋嶽岑勢厲衛睥睨荒王將鄉亾細麗蔽袂

香  
杵指替製曳康莊傷荒涼主虜部伍苦嬾亾房廊

閒居雜題五首

以題十五  
字離合

龜蒙

鳴蜩早

閒來倚杖柴門口鳥下深枝喙晚垂周步一池銷

半日十年聽此鬢如蓬

野態真

君如有意耽田里予亦無機向藝能心跡所便唯  
是直人間聞道最先憎

松間斟

子山園靜憐幽木公幹詞清詠華門月上風微蕭  
灑甚半醪何惜置盈樽

飲巖泉

已甘茅洞三君食欠買桐江一朵山巖子瀨高秋  
浪白水禽飛盡釣舟還

當軒鶴

自笑與人乖好尚田家山客共柴車于時未似棲  
廬雀鳥道閒携相爾書

奉和雜題五首

日休

晚秋吟

東臯烟雨歸耕日免去玄冠手刈禾火滿酒爐詩

在口今人無計奈儂何

好詩景

青盤香露傾荷女子墨風流更不言寺寺雲蘿堪  
度日京塵到死撲侯門

醒聞檜

解洗餘醒晨半酉星星仙吹起雲門耳根莫厭聽  
佳木會盡山中寂靜源

寺鍾暝

百緣斗數無塵土寸地章煌欲布金重擊蒲牢吟  
山日冥冥烟樹覩棲禽

砌思步

灑灑古薜繡危石切切陰螿應晚田心事萬端何  
處止少夷峰下舊雲泉

藥名離合夏日卽事三首

龜蒙

乘屐着來幽砌滑石罌煎得遠泉甘草堂祇待新  
秋景天色微涼酒半醺

避暑最須從朴野葛巾筠席更相當歸來又好乘  
涼釣藤蔓陰陰著雨香  
窗外曉簾還自卷栢烟蘭露息晴空青箱有意終  
須續斷簡遺編一半通

奉和

日休

季春人病拋芳杜仲夏溪波繞壞垣衣典濁醪身  
倚桂心中無事到雲昏  
數曲急溪衝細竹葉舟來往盡能通草香石冷無

辭遠志在天台一遇中

桂葉似茸含露紫葛花如綬  
蘸溪黃連雲更入幽  
深地骨錄閒携相獵郎

懷錫山藥名離合二首

日休

暗竇養泉容泱泱明園護桂放  
亭亭歷山居處當  
天半夏裏松風盡足聽

曉景半和山氣白薇香清淨  
雜織雲實頭自是眠  
平石腦側空林看鹿群

奉和

龜蒙

鶴伴前溪栽白杏人來陰洞寫  
枯松蘿深境靜日  
欲落石上未眠聞遠鍾

佳句成來誰不伏神丹偷去亦  
須防風前莫怪携  
詩藁本是吳吟盪漿郎

懷鹿門縣名離合二首

日休

山瘦更培秋後桂溪澄閒數晚  
來魚臺前過雁盈  
千百泉石無情不寄書



十里松蘿陰亂石門前幽事雨來新野霜濃處憐  
殘菊潭上花開不見人

奉和

龜蒙

雲容覆枕無非白水色侵磯直是藍田種紫芝餐  
可壽春來何事戀江南

竹溪深處猿同宿松閣秋來客共登封徑古苔侵  
石鹿城中誰解訪山僧

寒日古人名一絕

龜蒙

初寒朗詠徘徊立欲謝玄關早晚開昨日登樓望  
江色魚梁鴻雁幾多來

奉和

日休

北顧懽遊悲沈宋

梁武改  
爲北顧

南徐陵寢欲齊梁水邊

韶景無窮柳寒被江淹一半黃

胥口卽事六言二首

日休

波光杳杳不極霽景澹澹初斜黑蛺蝶粘蓮蕊紅  
蜻蜓裊菱花鴛鴦一處兩處舴艋三家五家會把

酒船隈荻共君作去箇生涯

拂釣清風細麗飄  
蓑暑雨霏微湖雲欲散未散嶼  
鳥將飛不飛換酒帽頭把看載蓮艇子撐歸斯人  
到死還樂誰道剛須用機

奉和

龜蒙

雨後山容若動天  
寒樹色如消目送迴汀隱隱心  
隨挂鹿搖搖白蔣知秋露裊青楓欲暮烟饒莫問  
吳趨行樂酒旗竿倚河橋

把釣絲隨浪遠采蓮衣染香濃  
綠倒紅飄欲盡風  
斜雨細相逢斷岸沈魚罟罟  
約罟二音  
魚網也  
鄰村送客  
艫脚卽是清霜刮野乘閒莫厭來重

風人詩三首

龜蒙

十萬全師出遙知正憶君  
一心如瑞麥長作兩岐

分  
破蘖供朝爨須知是苦辛  
曉天窺落宿誰識獨醒  
人

聞道更新幟多應廢舊旗征衣無伴擣獨處自然

悲

奉和

日休

刻石書離恨因成別後悲莫言春蠶薄猶有萬重  
息

鏤出容刀飾親逢巧笑難日中騷客珮爭奈卽闌  
干

江上秋聲起從來浪得名逆風猶挂席若不會帆

情

寄題天台國清寺齊梁體

日休

十里松門國清路飯猿臺上菩提樹怪來烟雨落  
晴天元是海風吹瀑布

同前

峰帶樓臺天外立明河色近杳思濕松間石上定  
僧寒半夜檣溪水聲急

寒夜聯句

靜境揖神凝寒華射林缺龜蒙清知思緒斷爽覺心

源徹日休高唱曳金奏朗詠鏗玉節龜蒙我思方沈寥

君詞復淒切日休况聞風篁上擺落殘凍雪龜蒙寂爾

萬籟清皎然諸靄滅日休西窓客無夢南海波應結

龜蒙河光正如劍月魄方似玦日休短燼不禁挑冷毫

看欲折龜蒙何夕重相期濁醪還為設日休

開元寺樓看雨聯句

海上風雨來掀轟雜飛電登樓一凭檻滿眼蛟龍

戰龜蒙須臾造化慘倏忽堪輿變萬戶響戈鋌千家

披組練日休群飛拋輪石雜下攻城箭點急似摧胸

行斜如中面龜蒙細灑魂空冷橫飄目能眩垂簷珂

珮喧掬瓦珠璣濺日休無言九陔遠瞬息馳應徧密

處正垂絙微時又懸綫龜蒙寫作玉界破吹為羽林

旋翻傷列缺勞却怕豐隆倦日休遙瞻山露色漸覺

雲成片遠樹欲鳴蟬深簷尚藏燕龜蒙殘雷隱鱗盡

反照依微見天光絜似磨湖彩熟於練日休踈帆逗

前渚晚磬分涼殿接息強揮毫窺詞幾焚硯龜估

栗烏皮几輕明白羽扇畢景好踈吟餘涼可清宴

日君携下高登僧引還深院駁薛淨鋪筵低松濕

垂鬢龜齋明乍虛豁林霽逾葱蒨早晚重登臨欲

去多離戀日

北禪院避暑聯句

院昔為戴顓宅後司勳陸郎中居之

歎蒸何處避來入戴顓宅逍遙脫單絃放曠拋輕

策爬搔林下風偃仰澗中石日殘蟬烟外響野鶴

沙中跡到此失煩襟蕭然揖禪伯藤懸疊霜脫桂

倚支雲錫龜清陰豎毛髮爽氣舒筋脉逐幽隨竹

書選勝鋪衲席魚跳上紫芡蝶化綠青壁日心是

玉蓮徒耳為金磬敵吾宗昔高尚志在羲皇易豈

獨斷韋編幾將利鐵擿龜天書既屢降野抱難自

適一入承明廬盱衡論今昔流光不容寸斯道甘

枉尺日既起謝儒玄亦翻商羽翼封章帷幄徧夢

寐江湖日擺落函谷塵高欹華陽幘龜詔去雲無

信歸來鶴相識半病奪牛公全慵捕魚客少微光

一點落此芒磔索日釋子問池塘門人廢幽蹟堪

悲東序寶忽變西方籍不見步兵詩空懷康樂屐

龜高名不可効勝境徒堪惜墨沼轉踈蕪玄齋踰

閒寂遲遲不能去涼颼滿杉栢日下洲島清烟

生苾芻碧俱懷出塵想共有吟詩癖終與淨明遊

還來雪山覓龜

獨在開元寺避暑頗懷魯望因飛筆聯句

煩暑雖難避僧家自有期泉甘於馬乳苔滑似龍

漿日任誕襟全散臨幽榻旋移松行將雅拜篁陣

欲交麾龜望塔青髻識登樓白鴿知石經森欲動

珠像儼將怡筒簟臨杉穗紗巾透雨絲靜譚蟬噪

少涼步鶴隨遲日烟重迴蕉扇風輕拂桂帷對碑

吳地說開卷梵天詞積水魚梁壞殘花病枕欹懷

君蕭灑處孤夢繞呆愚龜

寂上人院聯句

瘦床空默坐清景不知斜暗數菩提子閒看薜荔

花日有情唯墨客無語是禪家背日聊依桂嘗泉

欲試茶龜石形蹲玉虎池影閃金地經笥安巖匿

餅囊桂樹日經傳滄海外龕寄白雲涯竹色寒

凌箔燈光靜隔紗龜趣幽翻小品逐勝講南華莎

彩融黃露蓮衣染素霞日水堪傷聚沫風合落天

葩若許傳心印何辭古堞賒龜

藥名聯句

為待防風餅須添薏苡杯張香燃栢子後罇泛菊

花來日石耳泉能洗垣衣雨為栽龜從容犀局靜

斷續玉琴哀賁白芷寒猶採青箱醉尚開日馬銜

衰草臥身啄蠹根迴龜雨過蘭芳好霜多桂末摧

賁朱兒應作粉雲母詎成灰日藝可屠龍膽家曾

近鷲胎龜墻高牽薜荔障軟撼玫瑰賁鷓鼠啼書

戶蝸牛上硯臺日誰能將藁本封與玉泉才龜

寒夜文宴聯句

文星今夜聚應在斗牛間日休載石人方至乘槎客

未還賁送觴繁露曲徵句白雲顏龜蒙節奏唯聽竹

從容只話山日休理窮傾祕藏論猛折玄關賁鄙洒

分中綠巴牋擘處殷龜蒙清言聞後醒強韻壓來閒

日休犀柄當風揖瓊枝向月攀賁松吟方際際泉夢

憶潺潺龜蒙一會文章草昭明不可刪日休

報恩寺南池聯句

古岸涵碧落龜蒙虛軒明素波坐來魚陣變日休吟久

菊口多秋草分杉露嵩起危橋下竹坡遠峰青髻並

龜蒙□□□髯和趙論寒仍講日休支硎僻亦過齋心

曾養鶴嵩起揮翰好邀鵝南峰院即故相國裴公書額倚石收奇

藥龜蒙臨溪藉淺莎桂花晴似拭日休荷鏡曉如磨翠

出牛頭聳嵩起苔深馬跡跛石上有支公馬跡傘欹從野醉

龜蒙巾側任田歌跣阿松形矮日休般跚檜樾炷香飛

僧印火嵩起泉急使鑣珂菱鈿真堪帖龜蒙尊絲亦好

拖幾時無一事日休相伴著烟蘿嵩起



夜會問荅十首

寒夜清

日休問  
魯望

簾外迢迢星斗明况有蕭閒洞中

客吟為紫鳳呼皇聲

時華陽廣文  
先生在焉

瘦木杯

龜蒙  
襲美

杉贅楠瘤剝得來莫怪家人畔邊

笑渠心祇愛黃金壘

落霞琴

日休問  
潤卿

寥寥山水揚清音玉皇仙馭碧雲

遠空使松風終日吟

蓮花燭

賁問  
襲美

亭亭嫩藥生紅玉不知含淚怨何人

欲問無繇得心曲

金火障

日休問  
魯望

紅獸飛光射羅幌夜來斜展掩深

爐半睡芙蓉香蕩漾

憶山月

龜蒙問  
潤卿

前溪後溪清復絕看看又及桂花

時空寄子規啼處血

錦鯨薦

賁問  
襲美

碧香紅膩承君宴幾度閒眠却覺來

彩鱗飛出雲濤面

懷溪雲

日休問  
魯望

漠漠閒籠鷗鷺群有時日暮碧將

合還被漁舟來觸分

霜中笛

龜蒙問  
襲美

落梅一曲瑤華滴不知青女是何

人三奏未終頭已白

月下橋

日休問  
魯望

風外拂殘衰柳條倚欄干處獨自

立青翰何人吹玉簫

古松陵卽今之吳江予同年濟寧劉君濟民來

爲邑令謂是集爲其邑故物而人未之見授儒

士盧雍按勘捐俸刻之予觀唐詩人多尚次韻

至元白而益盛其萃而成編則有漢上題襟斷

金及是三集按皮氏自序謂一歲之中詩凡六

百五十八晉其富如此則又題襟斷金之所無

者况其遊燕題詠類多吳中之作後之希賢懷

古者將於是乎攷古吳人所當寶也劉君爲政

不減古人其刻是集豈直私於一邑盖將公之

天下者也弘治壬戌九月二日前進士吳都穆

記

嘗攷皮錄其文藝及陸魯望等浮華書俱不  
 載唱和詩卷因就其從子郝牧乞魯望酬贈  
 積成十通別為一冊名曰松陵為吳中一時佳話尔  
 千百年後僅知治日者梓又漫滅不可得使海  
 內慕皮陸之風而願見茲集者謂是吳好子  
 何年特購宋刻而副諸君不特松陵

望如道我志為宋窮通是惟如兩以者可以知我  
 海寧毛晉後



